

太上老君說安宅八陽經

爾時

太上老君在福德天中召集十方聖眾天神地祇俱來集會講說妙法時有太極真人端簡上告

老君為見閻浮衆生修造宅舍頻遭厄難作何方便以救凡愚

老君答曰若有善男子善女人起造宅舍驚動龍神屋宇鳴喚地華土裂南堂北屋東廊門戶井竈碓磨庫藏船車寓止六畜欄圈莊舍寺院但是屋宇房廊窟穴觸犯天煞地煞年煞月煞日煞時煞四方諸煞五方地祇青龍白虎朱雀玄武將軍太歲黃幡豹尾十二時神六甲禁忌土公土母土府伏龍一切惡煞宜轉此經複謝所犯神煞悉皆隱藏遠送四方各鎮方隅不敢為害念誦此經是諸惡鬼皆自消滅疾病驅除身強體輕念誦此經功德無量若有善男子善女人臣保妻妾至心念誦此經福德報應或起造屋宇修營倉庫牛欄馬坊猪圈雞栖掘鑿動土轉誦此經

三編至百編今土府相生陰陽和合向坐宜良龍神臣贊百福咸臻眷屬和平悉無障礙所求皆得所願皆成於是大眾聞說此經皆大歡喜作禮而退信受奉行  
太上老君說安宅八陽經



太上老君說補謝八陽經

太上老君說補謝八陽經  
道言天地水三官日月五星二十八宿南北二斗五土八卦大地十二諸神十方眾聖盡來聽言

老君曰為見四方三界國土州縣城市鄉坊每有動土興工修造宅宇添新換舊東西南北四維上下種種施工建修之後頻遭三災九厄十苦八難土氣流行生死輪迴劫劫殃深無由解謝乃敕日遊月然將軍太歲遊龍伏龍天然地煞歲然月然日然時然大煞小煞災然劫然六甲六神天中十二神地中十二時神黃幡豹尾官符病符死符吞官吞命吞室吞書大耗小耗五土八卦門丞戶尉行年本命星官天上地下十二百禁忌諸神已往未作動土興工修造之後但當燒香受持供養讀誦此經永無忌諱土氣潛藏普命和順國土安樂干戈永息風雨無愆民安物泰萬事昌榮出入水陸公私利益非橫不生家門肅睦眷屬和平入宅大吉常納光明龍神擁護鬼祟潛形災消禍散福祿臻盈諸如所

願天下太平永保元吉克遂心誠人天奉法  
依律敬焉

太上老君說補謝八陽經

太上說十鍊生神救護經  
爾時

太上老君分形變化廣歷十方與隆教法救  
度存亡隨於帝代為其師範教諸眾生常令  
誦念

東方慈悲救苦天尊 南方好生救苦天尊

西方平等救苦天尊 北方大慈救苦天尊

東北方普濟救苦天尊 東南方無量救苦天尊

西南方等觀救苦天尊 西北方惠化救苦天尊

上方徧慈救苦天尊 下方廣度救苦天尊

老君曰受吾指教敬誦十方救苦天尊名號

能為拔贖苦魂令得悟解汝等四輩眾生應

有三業六根殺生偷盜邪淫貪嗔嫉妬愚癡

顛倒妄言綺語惡口兩舌罵詈呪詛違天逆

地不孝不義不仁不直罪根無量致招殃咎

若能奉此真經聖號俱蒙解脫孤魂滯魄獲

生天堂塵沙罪愆盡使消除又或見存四輩

眾生能常清靜持誦此經凡諸厄難亦得彌

消壽命延長身心安泰稽首歸命

天尊敬信奉行

太上說十鍊生神救護經